

ՀՀ ԿԱ պետական եկամուտների կոմիտե

Հարկային և մաքսային մարմինների գանգատարկման հանձնաժողով

Ո Ր Ո Շ ՈՒ Մ 13/6

14 հունիսի 2016թ.

Քննարկվեց Վանաձորի պաշտպանական մարզատեխնիկական հասարակական կազմակերպության գանգատը Վանաձորի ՏՀՏ գործողություններն ոչ իրավաչափ ճանաչելու վերաբերյալ:

Վանաձորի Պաշտպանական մարզատեխնիկական հասարակական կազմակերպության գանգատում բերված փաստարկները.

Վանաձորի պաշտպանական մարզատեխնիկական հասարակական կազմակերպությունը (այսուհետ նաև Կազմակերպություն) ռազմահայրենասիրական կազմակերպություն է, որի գլխավոր նպատակը երկրի պաշտպանունակության բարձրացմանն աջակցելն է: Այդ նպատակով Կազմակերպությունը համագործակցելով պետական կառույցների և այլ ՀԿ-ների հետ լուրջ և ծավալուն աշխատանք է կատարում երիտասարդության ռազմա-հայրենասիրական դաստիարակության, ռազմակիրառական մարզաձևերի զարգացման և զինված ուժերի համար մասնագետների պատրաստման ուղղությամբ:

Այս ամենով հանդերձ Վանաձորի ՏՀՏ-ն Կազմակերպությանն ընդգրկել է 26.05.2011թ. թիվ ՀՕ 186-Ն ՀՀ օրենքով լուծարման ենթակա հարկատուների ցանկում: Մինչդեռ Կազմակերպությունն օրենքում նշված հատկանիշներից որևէ մեկին չի համապատասխանում, քանի որ 1996թ. կատարելով «Հասարակական կազմակերպությունների մասին» ՀՀ օրենքի պահանջները Կազմակերպությունը ստեղծել է իր դուստր ձեռնարկությունը՝ նրան փոխանցելով իր ողջ ձեռնարկատիրական ֆինանսա-տնտեսական գործունեությունը (այն հետագայում, դարձյալ օրենքի պահանջով, վերակազմակերպվել է Վանաձորի ՊՄՏՀԿ «Մարզատեխնիկական դպրոց» ՍՊԸ), որը մշտապես, սահմանված ժամկետներում և կարգով, ներկայացրել է հաշվետվություններ հարկային տեսչությանը: Այդ մասին տեղյակ է եղել հարկային տեսչությունը և որևէ առարկություն կամ դիտողություն չի եղել, այսինքն՝ սկսած 1996թ-ից Կազմակերպությունը հարկատու չի հանդիսացել:

Բացի այդ, Կազմակերպությունը ունի շենք, շինություններ ավտոտեխնիկա և այլ ունեցնավածք, որի օգտագործումը և հարկային պարտականությունների կատարումը իրականացնում է իր ՍՊԸ-ի միջոցով (որի միակ մասնակիցն է):

Տվյալ ոչ իրավաչափ վարչական ակտը անվավեր ճանաչելու և Պետոեգիստրի կենտրոնական մարմնում վերականգնելու միջնորդության խնդրանքով Կազմակերպությունը դիմել է Վանաձորի տարածքային հարկային տեսչությանը (10 մարտի 2016թ. թիվ 01/04) և Պետեկամուտների կոմիտե (20 ապրիլի 2016թ. թիվ 01/16), սակայն մինչև այժմ հիշյալ մարմինների կողմից որևէ գործողություն չի կատարվել:

Վանաձորի տարածքային հարկային տեսչությունը Կազմակերպությունը լուծարման ենթակա հարկատուների ցանկում ընդգրկելու վարչական ակտն ընդունել է 2011թ. թիվ ՀՕ 186-Ն ՀՀ օրենքի սխալ կիրառումով և մեկնաբանությամբ («Վարչարարության հիմունքների և վարչական վարույթի մասին» ՀՀ օրենքի 63 հոդված), ինչպես նաև չի կատարվել նույն օրենքի 59-րդ հոդվածի պահանջները, ըստ որի Կազմակերպությունը պետք է իրազեկվեր վարչական ակտի ընդունման մասին, որի հետևանքով Պետոեգիստրի կենտրոնական մարմինը կատարել է Կազմակերպության գործունեության դադարեցման մասին գրառում:

Ելնելով վերը նշվածից՝ Կազմակերպությունը խնդրում է վերացնել 26.05.2011թ. ՀՕ 186-Ն օրենքով լուծարման ենթակա կազմակերպությունների ցանկի մեջ ընդգրկելու մասին Վանաձորի տարածքային հարկային տեսչության ակտը և որպես տվյալ ակտի վերացման

ածանցյալ, միջնորդել Պետոեզիստրի կենտրոնական մարմինն՝ Կազմակերպության գործունեության դադարեցման մասին 2012թ. օգոստոսի 20-ի գրառումը:

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովի եզրակացությունը.

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովը (այսուհետ նաև Հանձնաժողով), ուսումնասիրելով սույն գործին առնչվող նյութերն ու ապացույցները եկավ հետևյալ եզրակացության:

Քննարկման ընթացքում նշվեց, որ «2008 թվականի հունվարի 1-ի դրությամբ հարկային հաշվետվություններ չներկայացրած կազմակերպությունները լուծարելու և անհատ ձեռնարկատերերին պետական հաշվառումից հանելու մասին» 2011թ. հունիսի 16-ի ՀՕ-186-Ն օրենքի (այսուհետ նաև Օրենք) 1-ին հոդվածի համաձայն. «Սույն օրենքը տարածվում է այն կազմակերպությունների և անհատ ձեռնարկատերերի, ինչպես նաև պետական կամ պետական բաժնեմաս ունեցող կազմակերպությունների (այսուհետ՝ հարկ վճարող) վրա, որոնք 2008 թվականի հունվարի 1-ի դրությամբ հարկային օրենսդրությամբ սահմանված կարգով հարկային մարմին չեն ներկայացրել որևէ հաշվետվություն, հաշվարկ կամ հայտարարագիր (այսուհետ՝ հաշվետվություն) և հարկային մարմնում առկա փաստաթղթերի համաձայն չունեն գույք ու հարկային մարմնի կողմից վերահսկվող եկամուտների գծով պարտավորություններ կամ «Հայաստանի Հանրապետության քաղաքացիական օրենսգիրքը գործողության մեջ դնելու մասին» Հայաստանի Հանրապետության օրենքի 6-րդ հոդվածի համաձայն չեն վերագրանցվել, չունեն գույք և հարկային մարմնի կողմից վերահսկվող եկամուտների գծով պարտավորություններ»:

Օրենքի 2-րդ հոդվածի 1-ին մասի համաձայն. «Սույն օրենքի 1-ին հոդվածում նշված հարկ վճարողների ցանկը և հարկային մարմնի կողմից վերահսկվող պարտավորությունների բացակայության մասին տեղեկանքը հարկային մարմինը մինչև 2011 թվականի հուլիսի 15-ը Հայաստանի Հանրապետության կառավարության սահմանած կարգով ներկայացնում է Հայաստանի Հանրապետության արդարադատության նախարարության իրավաբանական անձանց պետական ռեգիստրի գործակալություն (այսուհետ՝ պետական ռեգիստր)»:

Քննարկվող դեպքում Օրենքի 1-ին հոդվածով նախատեսված պահանջներին բավարարող հարկ վճարողների ցանկը, որում ընդգրկվել են նաև Վանաձորի Պաշտպանական մարզատեխնիկական հասարակական կազմակերպության վերաբերյալ տվյալները (ցանկի 282-րդ տող), Վանաձորի ՏՀՏ 07.07.2011թ. թիվ 65-5/148796/-11 գրությամբ ուղարկվել է ՀՀ ԿԱ ՊԵԿ հարկային տեսչությունների աշխատանքների համակարգման վարչություն, որտեղ այլ հարկային տեսչություններից ստացված նույնաբովանդակ ցանկերը համակարգվելուց հետո, դրանք ներկայացվել են ՀՀ արդարադատության նախարարության իրավաբանական անձանց պետական ռեգիստրի գործակալություն: Արդյունքում Օրենքով սահմանված կարգով պետական ռեգիստրը երեք ամսվա ընթացքում գրանցել է Վանաձորի սյաշտպանական մարզատեխնիկական հասարակական կազմակերպության գործունեության դադարեցումը:

Սույն գործում առկա ապացույցների ուսումնասիրության արդյունքում Հանձնաժողովը եկավ եզրակացության, որ Վանաձորի ՏՀՏ գործողությունները՝ կապված Վանաձորի պաշտպանական մարզատեխնիկական հասարակական կազմակերպության վերաբերյալ տվյալները վերոգրյալ ցանկում ընդգրկելու և ՀՀ պետական ռեգիստր ներկայացվելու հետ, եղել են ոչ իրավաչափ, հետևյալ պատճառաբանությամբ.

«2008 թվականի հունվարի 1-ի դրությամբ հարկային հաշվետվություններ չներկայացրած կազմակերպությունները լուծարելու և անհատ ձեռնարկատերերին պետական հաշվառումից հանելու մասին» 2011թ. հունիսի 16 ՀՕ-186-Ն օրենքի 1-ին հոդվածով հստակ սահմանված է, որ Օրենքը տարածվում է այն կազմակերպությունների և անհատ ձեռնարկատերերի, ինչպես նաև պետական կամ պետական բաժնեմաս ունեցող կազմակերպությունների վրա, որոնք

2008 թվականի հունվարի 1-ի դրությամբ հարկային օրենսդրությամբ սահմանված կարգով հարկային մարմին չեն ներկայացրել որևէ հաշվետվություն, հաշվարկ կամ հայտարարագիր և հարկային մարմնում առկա փաստաթղթերի համաձայն չունեն գույք ու հարկային մարմնի կողմից վերահսկվող եկամուտների գծով պարտավորություններ կամ «Հայաստանի Հանրապետության քաղաքացիական օրենսգիրքը գործողության մեջ դնելու մասին» Հայաստանի Հանրապետության օրենքի 6-րդ հոդվածի համաձայն չեն վերագրանցվել, չունեն գույք և հարկային մարմնի կողմից վերահսկվող եկամուտների գծով պարտավորություններ:

Քննարկվող դեպքում Կազմակերպության վերաբերյալ տվյալները համապատասխան ցանկում ընդգրկվելու և պետական ռեգիստր ներկայացվելու դրությամբ Կազմակերպությունը ունեցել է սեփականության իրավունքով իրեն պատկանող գույք: Մասնավորապես, համաձայն անշարժ գույքի սեփականության իրավունքի գրանցման 25.09.2006թ-ի թիվ 2024226 վկայականի կազմակերպությանը սեփականության իրավունքով պատկանում է Լոռու մարզի, գ.Դարպաս գյուղում գտնվող ավտոհավաքակայանը, իսկ համաձայն անշարժ գույքի սեփականության իրավունքի գրանցման 16.05.2011թ-ի թիվ 1945024 վկայականի՝ Լոռու մարզի, ք.Վանաձոր, Անդրանիկի 45 հասցեում գտնվող վարչական շենքը:

Բացի այդ, 1996թ. կատարելով «Հասարակական կազմակերպությունների մասին» ՀՀ օրենքի պահանջները Կազմակերպությունը ստեղծել է դուստր ձեռնարկություն, որն օրենքի պահանջով վերակազմակերպվել է Վանաձորի ՊՄՏՀ «Մարզատեխնիկական դպրոց» ՍՊԸ-ի: Վերջինիս կողմից սահմանված ժամկետներում և կարգով հարկային տեսչություն են ներկայացվել համապատասխան հաշվետվությունները:

Վերոգրյալ փաստական հանգամանքները վկայում են այն մասին, որ Վանաձորի պաշտպանական մարզատեխնիկական հասարակական կազմակերպությունը չի բավարարել Օրենքի 1-ին հոդվածով նախատեսված պահանջներին, հետևապես նաև Վանաձորի ՏՀՏ 07.07.2011թ. թիվ 65-5/148796/-11 գրությամբ ուղարկված ցանկում Կազմակերպության վերաբերյալ տվյալները չպետք է ընդգրկվեն:

Ելնելով քննարկման արդյունքներից և ղեկավարվելով «Հարկային ծառայության մասին» ՀՀ օրենքի 43.1-րդ հոդվածի և «Մաքսային ծառայության մասին» ՀՀ օրենքի 37-րդ հոդվածի պահանջներով հանձնաժողովը

ո Ր Ո Շ Ո Ւ Մ Է՝

1. Վանաձորի պաշտպանական մարզատեխնիկական հասարակական կազմակերպության գանգատը բավարարել:

2. Անվավեր ճանաչել Վանաձորի ՏՀՏ 07.07.2011թ. թիվ 65-5/148796/-11 գրությամբ ուղարկված ցանկի 282-րդ տողը:

Հանձնաժողովի նախագահ՝



Վ.ՄԻՐՈՒՄՅԱՆ